

## Ик дшилвр бярв

Каспийск района „2—я пятилетка“ колхозин эклц парт-организац эврәннь кōдлмшән ясрулв. Парторганизацин 15 коммунист загъсчир дунд цäялгъврин кōдлмш кедж йовна.

Эн колхоз 1958 джил загъс анъндлгъна джилä зурагъан болзгасн урд 102 процент кӯцäв. 1958 джил загъс анъндлгънд ставной 10 шӯугул кōдлäd, зурагъан 200 процент кӯцäв. Эн звенос дунд звеновод коммунист Э. Урусов, зурагъар 550 центнер загъс бярдж орулж õгхин орчл 750 центнер, Докучаев В.—875 центнер загъс бярдж, орулж õгв.

Колхоз загъс анъндгас талдан, оln зӯсн эдл-ахун кōдлмш кӯцäнä. Мал õсклгънä 1958 джилä зурагъан кӯцäв. Õвс белдлгънä зурагъан 200 процент кӯцäв, ташр деернъ. 150 тонн эрдни-шишән силос дәрв. Тос, мах, ноос, õндг государствä орулдж õгх зурагъан болзгаснъ урд кӯцäв.

Парторганизац нег агит-коллектив бӯрдäдж гаргъв, энунд 13 агитатор кōдлджäнä. Агитатормуд оln äмтид ур Н. С. Хрущевин докладин тезисмӯдиг цäялгъдж õгчäнä, газет болн журнал тархалгънд орлцдж, 160 экземпляр газет тархацхав.